

ORDENANZA NÚM. 28

EXPEDICIÓN DAS TARXETAS DE ACCESIBILIDADE.

Artigo 1. OBXECTO:

Ten por obxecto a presente ordenanza a regulación a nivel municipal da expedición da tarxeta de estacionamento para persoas con discapacidade e de accesibilidade de usuarios previstas nos **artigos 27 e seguintes da Lei 8/97, do 20 de agosto de accesibilidade e supresión de barreiras na Comunidade Autónoma de Galicia** e nos seguintes **artigos 50,51, 52 e 53 do Decreto 35/2000, do 28 de xaneiro** polo que se aproba respectivamente o regulamento de desenvolvemento e execución da lei antes citada, coa fin de favorecer o uso dos transportes privados por persoas con graves problemas de mobilidade e para que o seu titular poda gozar de facilidades de estacionamento, e como documento acreditativo da situación de discapacidade en orde a favorecer o uso e goze dos transportes públicos.

Artigo 2. BENEFICIARIOS.

1. Poderán ser beneficiarios da tarxeta de estacionamento con carácter persoal e intransferible, aquelas persoas con diminución que teñan recoñecida a imposibilidade de uso do transporte público polo Equipo de valoración e Orientación (EVO), dependentes das seccións de cualificación e valoración de diminuídos, da Consellería de Sanidade e Servizos Sociais.
2. Terán dereito á expedición da tarxeta de accesibilidade aqueles interesados aos que se lles expedira certificado de diminución, polos equipos de valoración e orientación, dependentes das seccións de cualificación e valoración de diminuídos.

Artigo 3. SOLICITUDES.

Presentaranse segundo o modelo oficial nas dependencias municipais, acompañando a seguinte documentación:

- Fotocopia do DNI.
- Certificado de diminución.

Artigo 4. DEREITOS DERIVADOS DAS TARXETAS.

1. A titularidade da tarxeta de estacionamento dá dereito a:

- a) Utilización das prazas de aparcadoiro reservadas polo Concello con carácter permanente, e que estarán debidamente sinalizadas para vehículos que transporten as persoas titulares destas tarxeta.
- b) Autorización para que os vehículos ocupados polas ditas persoas poidan deterse na vía pública durante o tempo imprescindible e sempre que non entorpezan a circulación rodada ou peonil.
- c) Ampliación do límite de tempo, se este estivese establecido, para aparcadoiro de vehículos titulares desta tarxeta.

2. A tarxeta de accesibilidade de usuarios dará dereito ao seu titular a gozar dos beneficios a que se refire a lei e o regulamento anteriormente citados.

Artigo 5. MODALIDADES DA TARXETA DE ESTACIONAMENTO.

Cando o titular da tarxeta sexa unha persoa física, poderá utilizala en calquera vehículo no que se traslade, sexa ou non da súa propiedade, e sexa o titular da tarxeta o condutor do vehículo ou non.

Cando o titular da tarxeta sexa unha persoa xurídica deberá incluír a matrícula ou matriculas dos vehículos habilitados para transportar ás persoas con graves problemas de mobilidade.

Cando se faga uso dos dereitos que confire esta tarxeta, esta colocarse na parte interior do parabrisas dianteiro de forma que resulte claramente visible dende o exterior.

O modelo de tarxeta axustarase ás características sinaladas no **Anexo III do regulamento**, que se establece no **Decreto 35/2000, do 28 de xaneiro, da Consellería de Sanidade e Servizos Sociais**.

Artigo 6. EXPEDICION DAS TARXETAS.

O expediente iniciarase a instancia da persoa interesada.

O Concello de Vilalba, remitirá copia da solicitude ao Equipo de Valoración e Orientación (**EVO**) da correspondente Consellería de Sanidade e Servizos Sociais, para a realización do informe preceptivo que será vinculante para a resolución do procedemento, sendo competente para a súa concesión ou denegación a Xunta de Goberno Local.

En caso de que a cualificación da diminución sexa permanente, a tarxeta caducará aos 10 anos da concesión, e en caso de que a cualificación da diminución sexa provisional, caducará cando remate o prazo que esta indique.

Para a renovación seguirase o mesmo procedemento que para a concesión inicial.

Artigo 7. RÉXIME SANCIONADOR.

No suposto de que se detecte o uso indebido da tarxeta de estacionamento de maneira reiterada e debidamente probada, a citada tarxeta será retirada durante un prazo de 2 anos, debendo o interesado volver iniciar o procedemento para a súa nova expedición.

Así mesmo no suposto de incumprimento da obriga establecida **no artigo 5** respecto á colocación da tarxeta no vehículo, isto poderá conlevar á retirada do vehículo da vía pública.

DISPOSICION ADICIONAL.

A presente ordenanza entrará en vigor ao día seguinte da súa publicación íntegra no **BOP de Lugo**, sendo de aplicación a partir dese mesmo día ata a súa derogación ou modificación expresa.